



Ioannes ille uir in scripturis sacris fuit doctissi-
 mus, atq; humanioribus literis & ipsa Philoso-
 phia optimè institutus. Accedebat & naturalis fa-
 cundia, & ingenium ad omnia promptum. Vnde
 in habendis sermonibus alios omnes superabat.
 Cum autem ille intelligeret Papam cum suis cardí-
 nalibus & prælatis nimium sibi attribuere, atq; in
 ecclesiastica & ciuili administratione omnia ad se
 pertrahere, ipse pio zelo commotus, eam inordi-
 natam potestatem reprehendebat. Id cum clerus
 sensisset, statim eum opprimendum censuerunt.
 Cum itaq; à pontificis ministro ad carcerem que-
 reretur, fuga lapsus ad obseruantiales fratres mino-

res confugit atque suam sententiam metu pœnæ mutauit.